

საქართველოს
ტექნიკური უნივერსიტეტი
ბ რ ძ ა ნ ე ბ ა

№

კულტუროლოგიის ინსტიტუტის
შექმნის შესახებ

საქართველოს ტექნიკური უნივერსიტეტის წარმომადგენლობითი
საბჭოს 2017 წლის 6 ოქტომბრის № 33 სხდომის № 9 დადგენილებულის
საცუდგელზე

ვ ბ რ ძ ა ნ ე ბ

სამართლისა და საერთაშორისო ურთიერთობების ფაკულტეტზე,
როგორც სტრუქტურული ერთეული, 2017 წლის 6 ოქტომბრიდან შეიქმნას
კულტუროლოგიის ინსტიტუტი.

რექტორი

ა. ფრანგიშვილი

Y

30400: აღმინისტრაციის ხელმძღვანელი
ქქოქრაშვილი

ადამიანური რესურსების
მართვის დეპარტამენტის
უფროსი ხელიკვიშვილი

სამართლებრივი უზრუნველყოფის
დეპარტამენტის უფროსი ბ. მაისურაძე

შემსრულებელი

საქართველოს ტექნიკური უნივერსიტეტის

წარმომადგენლობითი საბჭოს

2017 წლის 6 ოქტომბრის №33 სხდომის

d a d g e n i l e b a №9

საქართველოს ტექნიკური უნივერსიტეტის წარმომადგენლობითი საბჭოს 2017 წლის 6 ოქტომბრი №33 სხდომაზე სტუ-ის სამართლისა და საერთაშორისო ურთიერთობების ფაკულტეტის დეკანმა, პროფ. ირაკლი გაბისონიამ წარმოადგინა საკითხი სტუ-ის სამართლისა და საერთაშორისო ურთიერთობების ფაკულტეტზე კულტუროლოგიის ინსტიტუტის შექმნისა და მისი დებულების დამტკიცების შესახებ. სტუ-ის აკადემიური საბჭოს 2017 წლის 19 სექტემბრის დადგენილება №2562.

საქართველოს ტექნიკური უნივერსიტეტის წარმომადგენლობითი საბჭო ადგენს: სტუ-ის სამართლისა და საერთაშორისო ურთიერთობების ფაკულტეტზე შეიქმნას კულტუროლოგიის ინსტიტუტი, როგორც ფაკულტეტის სტრუქტურული ერთეული და დამტკიცდეს მისი დებულება.

სტუ-ის წარმომადგენლობითი საბჭოს

სპიკერი, პროფესორი

ჯემალ გახოკიძე

საქართველოს ტექნიკური უნივერსიტეტი



სამართლისა და საერთაშორისო ურთიერთობების ფაკულტეტის

კულტუროლოგის ინსტიტუტი

დებულება

მიღებულია საქართველოს ტექნიკური
უნივერსიტეტის აკადემიური საბჭოს მიერ
19. ივნის 2017 წ. №--- დადგენილებით

და დამტკიცებულია წარმომადგენლობითი საბჭოს
(სენატის) მიერ 6. ივნის 2017 წ. №---
დადგენილებით



თბილისი

2017

თავი I
ზოგადი დებულებები

1. სამართლისა და საერთაშორისო ურთიერთობების ფაკულტეტის კულტურო-ლოგის ინსტიტუტი საქართველოს ტექნიკური უნივერსიტეტის (შემდგომში „სტუ“) აღნიშნული ფაკულტეტის სტრუქტურაში მყოფი სამეცნიერო-კვლევითი სტრუქტურული ერთეულია, შექმნილი და დამტკიცებული სტუ-ს აკადემიური საბჭოს 2017 წლის ----- №--- დადგენილების და წარმომადგენლობითი საბჭოს (სენატი) 2017 წლის ----- №--- დადგენილების საფუძველზე.
2. ინსტიტუტი თავის საქმიანობას წარმართავს საქართველოს კონსტიტუციის, „უმაღლესი განათლების შესახებ“ საქართველოს კანონის, სტუ-ის წესდების, წინამ-დებარე დებულების, საქართველოში მოქმედი კანონმდებლობის შესაბამისად;
3. ინსტიტუტი ფინანსდება სახელმწიფო დაწესებულებების და სხვა დაინტერესებული მხარეების კულტუროლოგის სფეროს განვითარებისათვის დაკვეთილი კვლევების (ნორმატიული აქტების პროექტები, კონცეფციები, სახელმწიფო პროექტები და სხვ.) დაფინანსებით მიღებული ფულადი სახსრებით, შემოწირულობებით, ამ მიზნისთვის და ინსტიტუტის ფუნქციონირებისათვის ფაკულტეტის მიერ გათვალისწინებული სახსრებით;
4. ამ მიზნით იგი შუამდგომლობს ფაკულტეტისა და მისი მეშვეობით უნივერსიტეტის წინაშე საკვლევი პროექტების დამტკიცების და მათ შესასრულებლად შესაბამისი ხელშეკრულებების გაფორმების თაობაზე;
5. საჭიროების შემთხვევაში, ინსტიტუტის შეუძლია იშუამდგომლოს დადგენილი წესით უნივერსიტეტის წინაშე, როგორც საქართველოს, აგრეთვე, სხვა ქვეყნის სპეციალისტების და ექსპერტების დროებითი მოწვევის და მათთან სათანადო შრომითი ხელშეკრულებების გაფორმების თაობაზე;
6. რექტორის, შესაბამისი დარგის რექტორის მოადგილის, აკადემიური საბჭოს, წარმომადგენლობითი საბჭოს (სენატის) და ფაკულტეტის საბჭოს მოთხოვნით შეიძლება ჩატარდეს ინსტიტუტის ანგარიშის რიგგარეშე მოსმენა და განხილვა.

თავი II
ინსტიტუტის საქმიანობის მირითადი მიმართულებები, მიზნები და ამოცანები

1. კულტუროლოგის ინსტიტუტის სამეცნიერო-კვლევითი საქმიანობის ძირითადი მიმართულებებია:
 - ა) მსოფლიო კულტურაში ქართული კულტურის ადგილის გარკვევა;
 - ბ) კულტურის შეფასების კრიტიკიუმების დადგენა;
 - გ) ქართული კულტურის შექმნისა და განვითარების გზის მეცნიერული შესწავლა;
 - დ) ქართული კულტურის საერთაშორისო რეზონანსი;
 - ე) კულტურის დამოკიდებულება საერთაშორისო ურთიერთობებისა და სამართლის პრინციპებთან;
 - ვ) კულტურა და გლობალიზაცია;
 - ზ) კულტურის თანამედროვე პრობლემების შესწავლა და სამომავლო გასიგრძება;
 - თ) ქართული კულტურის ძეგლების შესწავლა და მსოფლიო მასშტაბით მათი პროპაგანდისთვის ხელშეწყობა;
 - ი) კულტურული მემკვიდრეობის არსის მეცნიერული განსაზღვრა და ამ მემკვიდრეობის დაცვისათვის ზრუნვა;
 - კ) მონაწილეობა ფაკულტეტის კომპეტენციაში შემავალი უმაღლესი საგანმანათლებლო პროგრამების მომზადებასა და განხორციელებაში;
 - ლ) ორგანიზება ან/და მონაწილეობა სხვადასხვა დონის (ადგილობრივი, ეროვნული და საერთაშორისო) სამეცნიერო კონფერენციებსა და სხვა სამეცნიერო ღონისძიებებში საკუთარი ან მომზადებული ფინანსური უზრუნველყოფით;
 - მ) თავისი კომპეტენციის ფარგლებში თანამშრომლობა – ხელშეკრულების ან/და მემორანდუმების გაფორმება ერთობლივი სამეცნიერო-კვლევითი პროექტების შედგენისა და განხორციელების მიზნით საქართველოსა და უცხოეთის სამეცნიერო-კვლევით დაწესებულებებთან;
 - ნ) საექსპორტო და საკონსულტაციო საქმიანობა;
 - ო) საქართველოს კანონმდებლობითა და დამოუკიდებელი სამეცნიერო-კვლევითი ერთეულის დებულებით გათვალისწინებული სხვა საქმიანობის განხორციელება.
2. დასახული ამოცანების მიზნით ინსტიტუტი:
 - ა) მჭიდროდ ითანამშრომლებს ინსტიტუტის ძირითადი მიმართულებებით გათვალისწინებული პრობლემებით დაინტერესებულ სახელმწიფო დაწესებულებებთან (კულტურის სამინისტრო, მეცნიერებათა ეროვნული აკადემია, დარ-

გობრივი აკადემიები, ისტორიისა და არქეოლოგიის ინსტიტუტი, რუსთაველის სახელობის ლიტერატურის ინსტიტუტი, საქართველოს სახელმწიფო მუზეუმი, საგამოფენო ცენტრები, საქართველოს შემოქმედებითი კავშირები...), ამ პრობლემებით დაინტერესებულ უცხოელ და ქართველ სპეციალისტებთან;

ბ) დასახული ამოცანების შესასრულებლად, შესწავლისა და ანალიზის მიზნით, მოიძიებს კულტუროლოგიასთან დაკავშირებულ სამეცნიერო ლიტერატურას ინტერნეტში გავრცელებულ კულტურის მსოფლიო სიახლეებს;

გ) ორგანიზაციას გაუკეთებს და მოაწყობს დამუშავებული პროექტების მიხედვით მიღებული კვლევის შედეგების ფართო პრეზენტაციას სახელმწიფო დაწესებულებებში, საერთაშორისო ორგანიზაციებში, არასამთავრობო დაწესებულებებში, უმაღლეს სასწავლებლებში.

თავი III

ინსტიტუტის პერსონალის მიერ დამუშავებული პროექტების შედეგად მიღებული სამეცნიერო პროდუქცია

1. წაშრომები, სტატიები (გამოქვეყნებული საერთაშორისო და ადგილობრივ სამეცნიერო ჟურნალებში);
2. მონოგრაფიები, სახელმძღვანელოები, დამხმარე სახელმძღვანელოები;
3. წინადადებები, კონცეფციები, ნორმატიული აქტების პროექტები;
4. მონაცემთა ელექტრონული ბაზები მიმართულებების მიხედვით.

თავი IV

ინსტიტუტის სტრუქტურა და მართვა

1. ინსტიტუტის მართვას ახორციელებს დირექტორი, ინსტიტუტის დირექტორი ინიშნება უნივერსიტეტის რექტორის მიერ, ფაკულტეტის საბჭოს წარდგინებით. ინსტიტუტის დირექტორის და მისი მოადგილის თანამდებობა არ წარმოადგენს უნივერსიტეტის ადმინისტრაციულ თანამდებობას;
2. ინსტიტუტს ჰავას პროექტების ხელმძღვანელი, რომელსაც ნიშნავს რექტორი დირექტორის წარდგინებით;
3. ინსტიტუტის სამეცნიერო-ორგანიზაციულ და ფინანსურ საქმიანობას (ფაკულტეტის მენეჯერთან ერთად) წარმართავს ინსტიტუტის დირექტორის მოადგილე;

4. ინსტიტუტის დირექტორი შეიმუშავებს ინსტიტუტის საქმიანობის პოლიტიკას და სტრატეგიას, განსაზღვრავს სამუშაო თემატიკას, ანაწილებს დავალებებს თანამშრომელთა შორის;
5. ინსტიტუტის დირექტორი უფლებამოსილია:
 - ა) განახორციელოს კონტროლი ინსტიტუტის თანამშრომლების მიერ მათზე განპირობებული და სამუშაოს დროული და სრული მოცულობით შესრულებაზე, შრომის ანაზღაურებასა და სხვა ადმინისტრაციულ ღონისძიებებზე;
 - ბ) მოაწყოს ინსტიტუტის მიერ მომზადებული სამეცნიერო შრომების, განხორციელებული/მიმდინარე პროექტების, გამოშვებული სახელმძღვანელოების, ახალი სამუშაოების და ა.შ. პრეზენტაციების ორგანიზება;
 - გ) განახორციელოს ინსტიტუტის ეფექტიან მართვასა და ფუნქციონირებასთან დაკავშირებული სხვა აუცილებელი საქმიანობა;
 - დ) მოამზადოს შესაბამისი ხელშეკრულებების პროექტები და გასაფორმებლად წარუდგინოს უნივერსიტეტის რექტორს.
6. ინსტიტუტის დირექტორს, საკუთარი კომპეტენციის ფარგლებში, ენიჭება პასუხისმგებლობა სამეცნიერო სამუშაოების და საგანმანათლებლო საქმიანობის მოცულობის, მიმართულებების, შესრულების ვადების, შინაარსის და ხასიათის განსაზღვრაზე;
7. ინსტიტუტის დირექტორს ენიჭება პასუხისმგებლობა ინსტიტუტისთვის სარგებლობის უფლებით გადაცემული ქონების მიზნობრივად გამოყენებაზე, შენახვაზე და მისი გამართულ მდგომარეობაში შენარჩუნებაზე;
8. ინსტიტუტს ჰყავს დამხმარე პერსონალი. დამხმარე პერსონალის რაოდენობა და შემადგენლობა განისაზღვრება პროექტების სპეციფიკის და შესრულებული სამუშაოს მოცულობის გათვალისწინებით;
9. ინსტიტუტის პერსონალი ინიშნება და სამუშაოდან თავისუფლდება უნივერსიტეტის რექტორის მიერ, ინსტიტუტის დირექტორის წარდგინების საფუძველზე, ფაკულტეტის საბჭოსთან შეთანხმებით;
10. ინსტიტუტის პერსონალის შრომითი ანაზღაურება განისაზღვრება ფაკულტეტის საბჭოს მიერ ინსტიტუტის ბიუჯეტის და მისი დებულებით განსაზღვრული სხვა შემოსავლების გათვალისწინებით;
11. იურიდიულ და ფიზიკურ პირებთან ხელშეკრელებების გაფორმება ხორციელდება უნივერსიტეტში დადგენილი წესის და ფორმების შესაბამისად.

თავი V

ინსტიტუტის ქონება, ფინანსები და დაფინანსების წყაროები

1. ინსტიტუტის მისამართია: 0175 საქართველო, ქ. თბილისი, მ. კოსტავას ქ. №77.
2. ინსტიტუტი არ არის საფინანსო-საგადასახადო სისტემის განცალკევებული სუბიექტი. ის წარმოადგენს უნივერსიტეტის სამართლისა და საერთაშორისო ურთიერთობების ფაკულტეტის საფინანსო სისტემის ერთ-ერთ სუბიექტს, რომელზედაც ვრცელდება სტუ-ში ფაკულტეტებთან ფინანსური ურთიერთობების რეგულირების დადგენილი წესი;
3. გაწეულ სამუშაოს ანაზღაურება წარმოებს ხელშეკრულების საფუძველზე;
4. ფინანსური და საბუღალტრო ანგარიშგების ფორმების, ხელშეკრულებების, სამუშაოს მიღება-ჩატარების აქტების მომზადების ორგანიზაციულ უზრუნველყოფას, სტუ-ის შიდა ადმინისტრაციული აქტების საფუძველზე, ახორციელებს სწავლული მდივანი.

თავი VI

ინსტიტუტის რეორგანიზაცია და ლიკვიდაცია

1. ინსტიტუტის რეორგანიზაცია ან ლიკვიდაცია ხორციელდება სტუ-ს შესაბამისი ადმინისტრაციული აქტებით დადგენილი წესის შესაბამისად.

თავი VII

დებულებაში ცლვილებებისა და დამატებების შეტანა

1. დებულებაში ცვლილებებსა და დამატებებს შეიმუშავებს ინსტიტუტის დირექტორი, რასაც განიხილავს უნივერსიტეტის აკადემიური საბჭო და ამტკიცებს უნივერსიტეტის სენატი.

თავი VIII

დასკვნითი დებულებები

1. წინამდებარე დებულება ძალაში შედის უნივერსიტეტის წარმომადგენლობითი საბჭოს (სენატის) მიერ დამტკიცებისთანავე.

73

მ. მამა